

حقوقى بىلىپلەر مجموعهسى

هر آيك اون بىشده نشر اولور

SELECTIVE
MEMBERS

صلح محکمه‌لرنده اووقات اولمایانلرک حق مدافعه‌لری

افندم؛

حقوق اصول محاکمه‌لری قانونک ۶۱ نجی ماده‌سنک شفاهی اصول محاکمه‌یه تابع ایشلرده هرکسک بارویه داخل اولمسه‌ده ایسته‌دیکی کسی‌نی توکیل ایدوب ایدمه‌مسی خصوصلرنک «استانبول صلح محکمه‌لری» آره‌سنده تشتت اجتهداته باعث اولدیغی اخیراً غزته‌لرده اووقودم.

معتبر مجموعه کزک قارئلرنک یازیلرینی حسن قبول بیوردقلرندن جسارت آله‌رق بو صددده‌کی ناچیز تدقیقی عرض ایدیورم.

محترم استادم فاضل محترم مصطفی‌رشید بک، مسلکداشلمزدن فصیح بکک مطالعاتی خلافتنه شفاهی اصول محاکمه‌لرده اصحابنک دیله‌دیکنی توکیل ایدمه‌بیله‌جکنی اجتهد بیورمقده درلر. حقوقی بیلکیلر مجموعه‌سی نومرو ۱۲ صحیفه ۷۶۸ و یکی حقوق اصول محاکمه‌لری قانونی شرحی صحیفه: ۶۱

بو اجتهدلر ۶۱ نجی ماده‌نک [شو قدرکه شفاهی اصول محاکمه‌یه تابع ایشلرده بو قاعده جاری دکلدر] دیه محور اولان اوچنجی فقره‌سنه استناد ایتکده‌در. بوفقره تحلیل ایدیلنجه یکنظرده آکلاشیلان معنا بوفقره‌دن اولکی فقره‌ده موضوع قاعده‌نک شفاهی اصول محاکمه‌یه تابع ایشلرده جاری اولمایه‌جفندن عبارتدر. او حالده جاری اولمایه‌جنی امر اولنان قاعده‌نی محتوی بولنان ایکنجی فقره‌نی اوقویه‌لم. عیناً [برنجی فقره‌موجبجه اووقات ویا دعوی وکیلی اولیان وکیل، موکلی نامه‌اشای محاکمه‌ده حاضر اولسه بیله محاکمه‌غیاباً اجرا اوله‌رق حکم ویریلر] دن عبارتدر. واضع قانون تحلیل املنده اولدیغیمز اوچنجی فقره‌ایله بو قاعده‌نک تطبیق اولنه‌مایه‌جفنی امر ایدیور. یعنی بو حالده غیابی محاکمه و حکمی منع ایدیور، بوکا فضله معنا ویرمه‌ک حقمز یوقدر، اولسه اولسه شایان

قبول بر وکیل کوندرمسی ویا بالذات کلیسی خصوصنده او طرفه یکیدن تبلیغات یا بهرق محاکمه نك غیاباً انتاجنه مانع اولمق لازمدر. اگر واضع قانون شفاهی اصول محاکمه لره تابع ایشلرده هر کسک توکیل اولنه بیله جکسی مراد ایتمه ییدی « بوقاعده تطبیق ایدلمز » جمله سی یرینه « هر کس دیله دیکسی توکیل ایده بیلیر » دیردی. نته کیم قومیدسیونک ایلك لایحه سنده (کذلک شفاهی اصول بنا کهمده ، یعنی صورت عمومده صلح محکمه لرنده دعویاه هر کس وکالت ایده بیلیر) طرزنده اولان فقره یی انجمن ۶۱ نجی ماده دخی اساس اعتباریله موافق کوریلن آوو قاتلق قانونیله تألیف ایدلمشدر ، اسباب موجب سیله شکل معدلنده قبول ایشلدر. [حقوق اصول محاکمه لری اسباب موجب مضبطه سی]

استاد محترم ایلك لایحه نك مارالعرض قطعی افاده سنه عطفاً مطالعاتلرینی بسیار بیوردقلرینی ظن ایتکده ایم ، یوقه اسباب موجب مضبطه سنده ده بیان بیوردقلرینی اوزره آوو قاتلق قانونیله تألیف ایدلمک اوزره معلوم شکله تعدیله اوغرایان مذکور فقره دن باشقه درلو معنا استخراجنه امکان یوقدر .

ثانیاً : مذکور فقره دن باشقه درلو معنا چیقارمق آوو قاتلق قانوننك اوچنجی ماده سنه مغایر اولور . حالبوکه آوو قاتلق قانونی ؛ قانون خصوصی اولوب تعارض حالنده حکمنك معتبر اوله جنی بدیهیدر . زده قالدی که عدلیه انجمننك اسباب موجب سنه نظراً مذکور فقره نك آوو قاتلق قانونیله تعارضی دخی وارد دکلدر . بناء علیه حقوق اصول محاکمه لری قانوننك آوو قاتلق قانونی الغا و تعدیل ایلدیکنه نظراً شفاهی اصول محاکمه یه تابع ایشلرده ده هر کس ایسته دیکسی توکیل ایده مز . استطراداً شوراسی ده عرض ایده ایم که بارو تشکل ایدن اوده مشده بارویه داخل اولمایان دعوی وکیللری وکیل اوله رق کلدکلری بر ایشده صالح محکمه سنجه عدم قبوللرینه دائر و بریلن حکمی تمیز ایلدکلری حالده وبالخاصه حقوق اصول محاکمه لرینك ۶۱ نجی ماده سنه استناداً اعطا ایلدکلری طلب تمیز ضبطنامه سنه مثبت بر جواب آلهامش و محکمه تمیز حکم مذکور ی تطدیق ایشلدر .

اوده مش بارو رئیس آوو قات

مسین اکرم